


Noha & Levi daVinci, 1 / 2.5j.



suechet dringänd zäme äs nöiis Daheime i Wohnigshautig

Liebi Tierfründe

Hoi, mir sind's, Noha u Levi daVinci u mir sy uf Jobsuechi. Us was? Na us Huuschatr, bi Dir, mir sy Profis im Huuschatr Sy! Warum mir sueche? Mir hei es tous Daheime, abr siit'm Umzueg i'd nöiie chlineri Wohnig u siit dr Hung dört mit iizoge isch, isch es üs gar nüm wou, s'geit druntr u drübr u mir chömmet eifach z'churz. Drum!

Mir sy 1 u 2.5jährig, uuzertrännlech, kaschtriert, gimpft, gsung, schtuberein, sähr lieb, verschmuest u verschpiut. Mir sy guet erzoge, mache nüt kaputt u chönne ou tagsübr mou alleini sy. Abr s'wär schö, we mir nid de ganz Tag allei wäret, s'isch so langwiilig ohne üsen Mönsch. Dr Noha isch endr dr Schücheri vo üs, er bruucht es bitzeli Ziit zum Aachoh, abr er tout uf, wenn er Di ha dörfe chennelehre. Dr Levi dagäge isch nöigiirig uf aues u jäden, er wird immr füre gschickt zum Lage-Peile. Mir chenne u bruuche nur Wohnig mit gsicheretem Baukon zum Sünnele u Useluege, ganz usse wönnt mir gar nid. Abr gsicherete Baukon, das muess sy. Chatz u Hung wönnt mir nid, liebi vernünftige Ching chenne u möge mir abr. E Familie wär tou, wo oft öpper daheime isch, der wo Luscht het uf es Schpieli.

Mir sueche unbedingt zäme es Daheime bi liebi Lüüt mit Ziit für u Luscht uf zwöi ufgschtäuti Büselis. Mir sy no jung u fordere Di. Gärn e Familie odr Teilziitler odr Homeofficeler, eifach da, wo oft öpper ou mou tagsüber daheime isch. U natürlech öpper, der wo üs uf Läbensziit wott verwöhne. Isch bi Dir so e Schtäu frei für zwöi Huuschatr? Mit gsicheretem Baukon mit ere schpannende Uussicht? Ja? Mir sy die Beschti, di wo Du chasch finge, verschproche. Ach ja, mir wohnet derziit z'Neuenhof/AG, zügale abr gärn zu Dir, wo ou immr Du wohnsch. Mäud di doch bitte ganz gly bi dr Sonja Ball. Sie het sich üs agno u suechet für üs das Plätzli. Wenn bsuechsch Du üs einisch?

Dini Noha & Levi daVinci



Katze sucht Mensch - Mensch sucht Katze

Sonja Ball

Tel.Nr. 079 333 45 62 (werktags 18-20h)

kontakt@katze-sucht-mensch.ch